

光緒戊寅鐫

經脈圖考



北京中医药大学图书馆版权所有


序

陸敬輿有活國活人之稱

范希文有良相良醫之慕

古君子以仁存心大用之

則為良相活國小用之則



為良醫活人若取良醫之
術表而彰之以公諸世斯
又良相活國之心分而用
之活人也我姑丈陳公壽
田先生天姿英邁隱於岐

黃每視人病百不失一晚
年憫醫學之逐末而棄本
也爰纂經脈圖考四編一
骨一絡辨正詳明表裏孔
穴朗若列眉後有學者不



難循是而叅妙奧於戲先
生歿垂四十餘年景其術
者稱之頌之習其業者宗
之仰之獨惜是書未克遽
行於世耳丁丑春仲子甥



王子竹溪遊黔篋中適攜
是編黎簡堂中丞見而悅
之捐廉百金命予付梓閱
今夏而工竣書來屬予為
之序予維中丞奉

子命巡撫一方其所以活
黔之民者吾不得周知第
即疇管所學決之蓋駸駸
乎有古相臣風焉異時入
叅密勿調和中外燮理陰


陽在中丞必有措之裕
者今且於公餘之暇留
方術鉅善本而惠生靈是
真能以陸范之身心陸范
之心也夫相之良者非徒

諳刑名精法律之謂其謂
殫格致誠正之業馴至脩
參治平財成輔相俾無一
民一物不得其所夫而后
為有本之學即醫何獨不

然近世醫師大都據撫古
方物識葯性出而操斯人
生歿之權苟且耳僥倖耳
茲編行而后天下習斯術
者知以靈素為根本由是

辨腠理考脈絡通神入聖
途徑在斯則所全活不可
勝計其為功德詎在良相
下哉噫微先生是書不足
副中丞濟世之忱微中丞

是舉又烏能成先生濟世
之美予故兩嘉之而亟為
之序以誌其巔末於此
光緒四年歲在戊寅仲秋
月雲牧馬傳卿撰




序

憶余髫齡時即耳同里陳壽田先生名咸謂其精於醫也後聞摹刻銅人圖行世余時方習舉子業亦不暇考究乃此通籍後服官來黔地僻鮮藏書且兵燹既久疫癘

流行為補刊溫證條辨及寒溫條
辨各醫書通行各屬歲丁丑表
馬雪牧封翁以先生所著經脈圖考
一書寄余，展讀再三見其講求經
絡考證脈源旁搜博採引據確鑿
為業醫家所必不可少之書雪牧

固素稔先生之為人願為梓行以
廣其傳余亦樂捐廉以勸此舉所
有校勘諸務重牧偏任其勞書成
屬余弁言以紀其事余不敏惟即
平昔所嚮往先生者藉是書以闡
其濟世之深心至是書之妙用讀

先生自敘可得其大要矣是為序
光緒四年歲在戊寅仲秋月同邑
後學黎培敬識於筑垣節署并書



自序

陳惠疇壽田氏撰

天地萬物之橐也消陽無計量者天之爲天乎化生無法崖者地之爲地乎然虛滿離合流化遍所其神固妙於莫窮其體實貞於不變故圓而無端者天也而推以九野之法凡日星之垂象者天之體可知矣廣而無極者地也而循以兩界之說凡河嶽之成形者地之體可識矣暨之天左舒而起牽牛地右闕而起畢昴東西南朔經緯燦然而天地之體畢彰惟天因人惟人象天人身一小天地也欲習岐黃者是又烏可不詳予幼